



Qashqadaryoning so‘lim Kitob tumani, Xo‘jailmkoni qishlog‘ida bir qiz dunyoga keldi. Bu qizning ismi ***Ilyasova Asila Anvar qizi*** edi. Bolaligidan o‘tkir zehni, izlanishga chanqoqligi va faol tabiati bilan tengdoshlaridan ajralib turardi. U ilk saboqni qishlog‘idagi 44-umumiy o‘rta ta‘lim maktabida oldi va 2024-yilda uni muvaffaqiyatli yakunladi. Maktab davrlari Asila uchun faqatgina darslar emas, balki izlanish va yutuqlar maktabi bo‘ldi. U turli fan olimpiadalarida tuman bosqichida g‘oliblikni qo‘lga kiritdi, harbiy-sport musobaqalarida esa viloyat bosqichida bayroq ko‘tardi. Shijoati va mehnatsevarligi uni ko‘plab tanlovlarda porlashi uchun qanot bo‘ldi. Bir necha bor “Zulfiyaxonim qizlari” ko‘rik-tanlovida ishtirok etib, faxrli o‘rinlarni zabt etdi. Asilaning qalamiga mansub nozik tuyg‘ular va o‘ychan satrlar tez orada o‘z o‘quvchilarini topdi. Uning she‘rlari “Mo‘jizaviy dunyo” va “Inson manfaati” gazetalari sahifalarida chop etildi. Bundan tashqari, Kitob tumani yosh ijodkorlari tomonidan nashr qilingan she‘riy to‘plamlarda ham uning asarlari joy oldi. Ijodga mehr, so‘zga ehtirom uni yanada kuchliroq qanotlantirdi. Shu bilan birga, Asila nafaqat yozdi, balki jamiyat hayotida ham faol ishtirok etdi. Qashqadaryo yozuvchilar uyushmasi tomonidan o‘tkazilgan adabiy tadbirlarda qatnashib, turli sertifikatlar bilan taqdirlandi. Orzular sari intilishlari uni 2024-yilda Mirzo Ulug‘bek nomidagi O‘zbekiston Milliy Universiteti tarix fakultetiga olib keldi. Hozirda u ushbu fakultetda tahsil olib, bilim izlashdan tashqari, intellektual loyihalar bo‘yicha koordinatorlik faoliyatini ham olib bormoqda. Asilaning hikoyasi– bu izlanish, matonat va orzular sari dadil odimlarning hikoyasi. Uning qalami hali ko‘p sahifalarni to‘ldirishi, satrlari ko‘plab yuraklarga yetib borishi shubhasizdir.

DUNYO

Nega beshavqatdir beshavqat dunyo
Hayot kechirardik sinovsiz go‘yo
Umrimiz balki tush balki bir ro‘yo
Har kim dardin to'ksa to'ladi daryo.
Bunda yashar edi turfa taqdirlar
Aybdorlar-aybsizlar haq-nohaqdirlar
Hayotdan qoniqmay yasharkan sherlar
Bu dunyoda o'lim albat haq derlar.
Kim to'kis yashagan siz menga ayting
Yomonlar yovuzlik yo'lidan qayting
Qo'shiq emas balki salovat ayting
Ongingizni bilim ila boyiting.
Boylik deb doimo yelding yugurding
Yomondebnomolishga ham ulgurding



Gohi g'amda gohi shodlanib yurding
Bu yorug' dunyoda orzular surding .
Tinchlikni moli ko'p odamdan so'ra
Oллоhdan boylikmas sog'likni tila
Ashula yodlama yod olgin sura
Namozda pul emas jannatni tila

Davrning ovozası

Umrimiz òtmoqda sezmay yuribmiz
Faqat soxtalikka berilib kettik
Dunyo gunohidan bino quribmiz
Qalbimiz uzra kòp yolğonlar bittik
Oxirat tobidan bebahra qolib
Vijdon azobida umrbod yondik
Òzganing kònglini pul uchun olib
Haqiqat sòz bòlsa pulni deb tondik
Insonlarga qarab hayvonlar hayron
Kim iymonlikan deb shayton ham sarson
Dunyo moli uchun kòngillar vayron
Yaxshilik qilishga topilmas bir on
Kimda diyonat bor, kimda insof bor
Namozsiz insonga shu keng dunyo tor
Garchand kòplarida yòqdir nomus or
Lekin hammamizda soxtalik bisyor
Alloh farz qilubdir besh vaqt namozni
Muhayyo aylabdi bahoru-yozni
Nozil aylagandir muqaddas qur'on
Bilingki omonat tanadagi jon
Gunoh ishlarimiz yig'ishtirib biz
Allohnıng farzlarin ado etaylik
Faqat yaxshilik chun qoldiraylik iz
Jannatning boğiga birga ketaylik.
Òzganing kòngliga ozor bermasdan
Shirin sòzlar ila xushnud etaylik
Yomonlik kòchasiga kirmasdan
Ezgu niyatimiz qalbga bitaylik.



TANQIDIY NAZAR, TAHLILIY TAFAKKUR VA INNOVATSION G'OYALAR



Pulni ham unuting sarobdir bari
Qolib ketolmaysiz dunyoyingizda
Hammamizòlamiz ketamiz nari
Faqat iymon sòrang duoyingizda.

ARMONIM2

Òtayabdi umrim seni kutaman
Ichimda alamlar qulaydi har on
Har zumqalbim uzra dardni yutaman
Har kuni qaytadan òladi bu jon.
Faqat seni soğinib izlar kòzlarim
Ammotopaolmayyurak qiynalar
Òzimga òtmaydi hatto sòzlarim
Qalbim gòyo dardni har kun qiymalar.
Dardimni darmoni bormi ayt òzing
Nechun tashlab ketding yiroqlardasan
Mayli kòp gapirma yetar bir sòzing
Lekin kònglim uzra firoqlardasan.
Darmoni yòq dardlarim davosi òzing
Balki kelarsan yor dardim olarsan
Xotiramdan òchmas moviyrang kòzing
Abadiy qalbimda birga qolarsan.

ARMONLIMUHABBAT

Yòlning òrtasida turibman nogoh
Qalbim qiynaladi yurak yonmoqda
Òzim hamhayronman bu qanday gunoh
Yurak muhabbatdan nechun tonmoqda.
Sevar edim men ham kòzi kòr bòlib
Tikanin kòrmasdim gullagan gulni
Bugun yiglar qalbim azobga tòlib
Bu dunyoda faqat qadri bor pulni.
Kòzimga hech narsa kòrinmas edi
Hatto uyqumda ham aytardim isming
Qara shu ilk sevgim aqlimni yedi

Garchand hayolimdan ketmaydi jisming.



TANQIDIY NAZAR, TAHLILIY TAFAKKUR VA INNOVATSION G'OYALAR



Gòyo sendan òzga bu dunyoda yòq
Faqat sening uchun yashar edim men
Aytgan har sòzlaring misoli bir òq
Yuragimda qolding faqatgina sen.

